

Monti, 6j.



suechet äs nöiies Daheime mit Freigang (ländlech)

Liebi Tierfründe

Wie geit's? Guet? Mir ou, merci. Es isch nur eso, ig bi dr Monti u sueche es nöiies Daheime. Warum? Ig wohne hier mit mineri Schwoschtr, abr di nervet eifach nur. Ig wär doch so gärn Alleiprinz. Itze mobbe ig sy immr, wenn ig sy seh, sy trout sich scho chuun mehr inne. Sy säge abr aui, das geit so nid wiiter, ig sött es eigens Daheime ha, wo ig u nur ig im Mittelpunkt schtah. U wiu ig ghört ha, dass scho so viu Büsis übr so en Wunschzettle hei chönne es toues Daheime finde, wott ig das itze ou probiere. Drum!

Ig bi 6jährig, kaschtriert, gimpft, chippet, sowiit gsung, sähr aahänglech, mönschebzoge, sähr verschmuest (bsundrs am Buuch) u sähr verschpiut. Ig bi schlau, hör uf min Name u ig cha Chunschtstückli wie HaiFaif (chennsch das?) u Roue mache u Pfötli gah u no viu meh. Das werd ig aues vorführe, we Du mi tuesch bsueche. Ig liebe ummetrage Würde, Muuse, Schpaziergäng mit mim Mönsch u sogar min Doc, der darf fascht aues mache mit mir. Was ig nid mag? Angeri Göttr näbe mir, das geit gar nid. Chei Hung, chei Chatz, ou chei chliini Ching. Grösseri scho, so ab 12i, die chönnte mir no viu meh Chunschtschtückli biibringe. U iigschperrt Sy, geit ou nid. Ig bruuche min Freigang, ig chenn's u wott's ländlech, Wiese u Fäuder, das isch mini Wäut, mit Törli u möglechsch chatzearm (Schtichwort: angeri Götter, Du verschehsch mi?). Ig chenne u hüete mis Revier.

Ig sueche liebi Mönsche, gärn e Familie, mit viu Ziit für mi, wo oft öpper diheime isch u mit mir Chunschtschtückli üebt. Dusse ame Ortsrand, eifach verchehrsarm u ländlech. Was meinsch, chönntisch Du mir so öppis biete? Suechsch Du en liebe intälligente Alleiprinz? Siit Dir e nätti Familie mit viu Ziit? Odr bisch Du sunsch oft dihei? Wohnsch Du ufm Land? Uh das, wär's! Denn müesset mir üs unbedingt lehre chenne. Ig wohne derziit no z'Rüschegg-Gambach, zügale abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli.

Din Monti



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch